

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) ممالک اجنیه ایچون
سنه لکی ۳۲۵ غروشد.

نسخه سی ۵ غروشد .
ایکی نسخه برآراده
(۱۰) غروشد
سنه لکی ۵۲ عدد .

اداره خانه : باب عالی جاده سنده
رشید افندی خانبده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولماز .

الکتابخانه

آدره من تبدیلنده آریجه
۵ غروش کوندرملیدر .

مکتوبلرک امضالری واضح
واوقوناقلی اولسی و آبونه
صره نومرؤسنی محتوی
بولونسی لازمدر

ممالک اجنیه ایچون آبونه
اولانلرک آدرس لری نك
فرانسجه یازلسی رجا اولنور .

پاره کوندردلیکی زمان نهیه
داثر اولدیغی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

فلجه اوغراقدن صوکره بو فلجک سرائی بکله یله جکدی . منع مسکرات علیهنده ترنب اولوب بومدهش سوء قصد چوق شکر عقامته اوغرا دی . حکومت بیکلرجه میخانه بی آجیق بیراقرق قانونی سوزده تطبیق ایتکدن ایسه تطبیقی تأخیر ایتک وبو صورتله قانونک قدسیتی اخلال ایتماک جهتی اختیار ایلدی .

نهایت متفکرک استانبولده بش سه قدر سوردکری کاذب سلطنت خردو خاش اولونجه قانونک تطبیقه امکان حاصل اولدی .

مطبوعات یومیه مزک ویردیکی معلوماته کوره استانبول پولیس مدیریت میخانه لک سدی و مشروبات کتولیه نک ضبطی خصوصنده بر موفقیته احراز ایتشدر . چونکه مسکرات تجارلری قانونک بو قدر سرعت و قطعیتله تطبیق اولونه جفی استشمام ایتدکلرندن ، بالعکس حکومت طرفندن مجلسه تکلیفی منصور اولان تعدیلاتک مجلسده مناقشه و برقراره ربط اولونماسه قدر منع مسکرات قانونک تأخیر اولونه جفه دائر (انقره) دن ویریان معلومات بو تجارت خبیثه ایله مشغول اولانلری بر چوق امیدله دوشورمش و بناء علیه منع مسکرات قانونک ایکی آبی دها تأخیر اولوناجنی ذهابی حصوله کیرمشدی . بویوزدن بوتاجرلک مسکرات ادخار ایتکه وقاجیرمه لزوم کورمه دکری و بناء علیه استانبول پولیسک موجود مشروبات کتولیه نک قسم کلیدی ضبط ایتدیکی آکلاشلمقده در .

استانبولده بو صورتله تطبیق خیلی زماندنبری بکله نیلن منع مسکرات قانونی بوتون تورکیا داخلنده تطبیق اولونمقده در . بو بزم خالص مسلمان و بوتون مسلمانلرک علمداری اولان مملکتیز ایچون بک نافع اولدینی درجه ده بک بویوک بر شیر قدر . بوتون شرق و اسلام عالمده بوبلیه دن کندنی ایلك قورتارمه موقی اولان ملت علمدار دین مین اولان بوتورک ملق اولدینی کی بوتون اوروپاده بوکا موقی اولان ده یته بزم ملتیز اولمشدر .

احوال اجتماعیه مزک اصلاحنده ، اخلاقزک تقوینده ، صحت عمومی مزک کون بکون کسب صلاح ایتمه سنا عائد حیاتک کسب رصانت ایله سنده ، بر چوق باره لر مزک هدر اولمامسنده بک مهم بر عامل اولان منع مسکرات قانونک مرعیتی الی الابد تأمین ایچون بوتون ملتیزک صرف ماحصل ایده جکندن هیچ شه ایتیه ورز . بو قانونک اک بویوک قوه مؤید سی ، ملتیزک دیانت پرورلیکی ، احکام اسلامییه فرط تمسک و رعایت ، حکومتیزک خالص بر مسلمان مجلسی اولماسی ، احکام اسلامییه نک مملکتیزده مرعی و محترم بولونماسیدر . منع مسکرات قانونک ماهیتی اک جزئی بر تعدیل ، اک جزئی بر استننا اخلال ایده جکندن هر حالده ملت ایله ممثلرینک بو مبدل قانونی مدافعه و محافظه خصوصنده هر درلو ثبات و مقاومتی کوسترمسی لازم کلکده در .

ایشته درلو درلو رنکله ، پروباغاندالره باشلایان بولشه ویک پرنسپلرینک کیت کیده افلاس ایده جکته متعلق آجیق و صریح شاهد آزماق لازمکله ایرانده کی حادثاتله ، استانبوله کان یکی روس هیئتک تشبثاتی کوستریله بیلیر .

کیفی تحلیل ایدنجه روس بولشه ویکلرینک شرقده و اسلام مملکتلرنده تعقیب ایتک ایستدکری ، سیاسیات حاضره ایله اسک روسیه چارلنی زماننده کی سیاست بینده بر فرق اولماسه کرکدر . کوریلورکه سوویتلر آهسته آهسته چارلنی بوتون غنعتیلله برابر - بالخاصه شرقده - یکیدن دیریلتمک چالیشیورلر . بناء علیه مسلمانلر سوویتلرک شکل و رنکله باقوب آلدانماسه و کوزلرینی درت آچفه چالیشمیلدرلر .

استانبولده مسکراتک منعی

استانبولک اجنبی اشغالندن قورتولماسی و مظفر اردومزک شهر مزه خلقک فوق العاده تظاهراتی ایچنده داخل اولماسی ، اوزرینه داخله وکالتی عهده سنه مرتب وظائفی ایفایه باشلایه رق ، از جمله استانبول ولایتیه منع مسکرات قانونک همان تطبیق ایچون امرلر ویردی . استانبول ولایتیه تلقی ایتدیکی امری در حال انفاذ ایدرک آنسزین بوتون مسکرات ده پولرینی ، میخانه لری کاملاً سد ایدرک موجود اولان بوتون مشروبات کتولیه بی ضبط ایله تمهیر ایتدی . بو صورتله مسکرات ممنوعیتی شهر عزمده تطبیق اولوندی . مسکرات بلیه سندن قورتولمق ایچون قطعی بر آدیم آتیلدی . کندیلرینی انسانیت خادمی طابیتدیران دولتلرک زوریه آیلردن بری تطبیق تأخیر اولونان منع مسکرات قانون مجلی ، انسانیت ایچون اک بویوک آفتلردن بری اورته دن قالدیرمقده اولدینی حالده او انسانیت خادملرینک هر درلو مقاومتیه دوچار اولمشدی . محض خیر و محض نعمت اولان اومبدل قانونک تطبیقه انکل اولمق ایچون متفق خریستیان دولتلری بوتون قوتلرینی استعمال ایتدیلر . او قدرکه بوندن مقدم حکومتیز بو قانونی تطبیق ایتک ایسته نیجه متفق دولتلر یومی غزنه لرده ستونلر طولدیران لیستلر ویررک بولیسته لرده اسمی یازیلان بیکلرجه میخانه نک آجیق قالماسی طلب ایتمشدری . منع مسکرات قانونه قارشلی متفکرک درمیان ایتدکاری بو طلب ، فضیلتک ، صحتک ، اقتصادک حامیسی و محافظی اولان او مبارک قانون ایله نه لجیع بر استهزا ایدی . منع مسکرات قانونی تطبیق اولونیور ، اولونه جق ، فقط آلا بیلدیکنه مسکرات قوللانیله جق ، بو صورتله قانونک موجودیت وعدم موجودیتی مساوی اولاجقدی ، قانون فلجه اوغرا تیله جقدی . بو صورتله قانون استانبولده

حجاب و استری خریستان عادتندن تلقی ایدن ، قرآن کریم حقنده
 « الله طرفندن وضع ایدلیدی ادعا اولونان عنعنلر » تعیری قوللامقدن
 چکینمین ، « للذکر مثل حظ الانثین » نص جلیلی منافی عدالت
 و مساوات کوردلرک قالدیرلمسی لازم کلدیکنی ایلری سورن ، تورکارلرک
 اسکی بت پرستلک و شامانیلک دورنده کی عادتلری احيایه قالدیشان ،
 محاکم شرعیه نك مشیخته علاقه سی کسدرن بو ذات ، قانون اساسی
 مؤلفلری میانه کیرده « محاکم شرعیه نك ملغا اولدیغنی » اورایه درج
 ایتدیررسه ، قانون تنظیمنده احکام فقهییه نك نظر دقتنه انفسی
 قیدینی قالدیرتیرسه بونده شاشیلحق نه واردر؟ بالطبع ضیا کوك الپ
 طرفندن تنظیم اولوناچق قانون اساسی پروژه سنده نه محاکم شرعیه نك
 یری واردر ، نه ده احکام شرعیه و فقهییه نك . اجتماعیات متخصصی
 کچین بو ذاتک منسوب اولدینی ملتک احوال اجتماعیه و روحیه سی
 ادراک خصوصند کی فراسته دییه جک یوق ! بوتون مملکت خلق
 مسلمان اولور ، هم « شریعتک کسدیکی پارمق آجیاز » دییه جک
 درجه ده صلابت دینه صاحبی مسلمان اولورده بوملته یایله جق
 تشکیلات اساسیه ده محاکم شرعیه الفا ایدیلور . انسان بالطبع بوکا
 ایثانه مزه ، دولت ایشنک بوقدرده بازیمچ اولمسی حوصله سینه صغیرمه ناز .
 اوت ، روسیه داغستانده کی اساسات اسلامیه به ایتسا ایدن محاکم
 شرعیه بی الفا واونک یرینه (وجدان انقلاب) بولشه ویک محکمه لری
 اقامه ایدیلیر ؛ فقط بزرگه برخلق حکومتی تأسیس ایدیورز ، ملتک
 اراده و آرزو سی حاکم قیلورز ، ناصیل اولورده ملتک بوتون روحیه
 مربوط اولدی شریعت محکمه لرینی الفا ایدیلیر ؟

واقعا بویله عقل خارجی جو چوقه شیرلک هیچ برحکمی یوقدر .
 بو ، طبق شوکا بکزر : سواققدن کچن بر آدم قابوکزی چالور ،
 « یاریندن اعتباراً سز مسلمان دکلسکز . » دییه بر تبلیغاته بولونیور .
 بویله آدامه نه یاپارسکز؟ ظن ایدرز که برقهقهه صالوب قابوی قابامقدن
 باشقه یاپه جق برشی یوقدر .

هرکس عقلنه أسنی سویله یه ییلیر ، یازم ییلیر . فقط اونی بر دولتک
 قانون اساسیسه درج ایتیه قالمق جرأتی کو سترمه به هیچ کیمسه نك
 حق اولماسه کرکدر . هانی ، انسان ، بویله چو جوق او بوجاغی قیلندن
 شیرلر ایشیدیلیرده دیگر ایشلر حقنده ده تردد و اعتماد سزلغه دوشولور ،
 دییه قورقار . یوقسه بویله شیرلک مجلسه تکلیف بیلل ایدیلایه چکینده
 شبهه یوقدر .

* *

بو آداملرک نظرنده ملتک شعائر دینه و مؤسسات اسلامیه نك
 هیچ می قیمتی یوقدر که اونلرک العاشیدن باشقه برشی دوشونمورلر ؟
 انسان منسوب اولدینی ملته قارشى بوقدر صایغیسزلقه ناصل بولونه ییلیر ؟

بوهفته ظرفنده مطبوعاتک انقره دن آلدینی بعض معلوماته کوره
 بویوک غازینو و پاسته خاه لرده بیر اولیکورلرک استعماله مساعد ایدیلسی
 ایچون مالیه انجمنی برقرار . و مش ! بویله بر استثنایه منع مسکرات
 قانونی طوغریدن طوغری به اخلال ایدر . منع مسکرات قانونی
 طورورکن مسکراته مساعد ایتکه ناصل امکان حاصل اولایلیر ؟
 بویله بر طاقم استثنالره مساعد ایتکه قانونی فلجه اوغرا تمق ، نهایت قانونک
 کلیاً اورتدن قالدیماسه یول آچقدن باشقه بر شینه مؤدی اولماز .

بناء علیه قانونک ذره قدر بر استثنایه محل بیر اقسامی لازمدر .
 اساساً مملکت مزده مسکراتک توسعه ، احکام دینه مزه قارشى کله جک
 و خلق مزک حیاتی چیکنه به رک واسع بر ساحة تخریب آچه جق درجه ده
 آلا بیلدیکنه انتشار ایتسه ، بلکه یکانه سبب ، مملکت مزده یاشایان ذمیلره
 بو خصوصده ویریلن مساعددر . ایشه بومساعد بویوه بویوه بخر
 بر شکل آلدی ، نهایت مملکتک اخلاقی ، اجتماعاتی ، صحتی بر باد
 ایدم جک بر حاله کلدی . بناء علیه بوکی استثنالردن حذر ایتلی .
 بویوک ملت مجلسنک هر حاله بودقایق نظر اعتباره الهرق قانونی
 هر درلو تعدیلادن صیانت ایتسه سی ایجاب ایدر .

آنقره خبرلری

انقره دن آره صیره عجیب بر طاقم خبرلر کله به باشلادی . بوهفته کی
 خبرلر میانه یکی تشکیلات اساسیه قانونی موجبنجه محاکم شرعیه نك
 الفاسی بوجه دندر . بعض ذوات بوندن طولانی بک زیاده حیرته
 دوشمش و متأثر اولمشلر ؛ « نه اولورز ، زویه کیدیورز ؟ » دییه
 شفاهاً و تحریراً صورمه باشلامشلردر . تأثر و تأسف ایدیلیر ؛
 فقط حیرته هیچ محل یوقدر . بر ایش که (ضیا کوك آلب) ک آله
 دوشمشدر ، آرتیق اونک نه شکل آله جی بیلنمز دکلدرد . اونى واونک
 قفادارلرینی یکی اوکرده جک دکلز . سینه لردن بری اوغراشدقلری ،
 اسلامک احکام و شعائرینی ، اجتماعاتی ، تنظیمات و تأسیساتی و هنه
 اوغرا تمقدن باشقه برشی میدر ؟ بو حرکت درلو درلو شکلر آلدی ،
 فقط وجهه اساسیه سی هیچ بر وقت دیکشیدیردی ؟ بر زمانلر
 نور عثمانیه ده کی مرکز عمومیده ترکاھنی قوران بو اوسته باشی شیمدی
 انقره ده جوروک متعلربی سورمه به چالیشیور . اتحاد و ترقی تیفسخه
 دوچار ایدن بو ذات شیمدی ده غالباً خلق فرقه سنک کوکنه کبریت
 صوبی اکمک ایسته یور . اونک ایچون ایشک هیچ شاشیلحق برجهتی
 یوقدر . بونلر هپامورطیعه دن عد اولونمیلدر . شاید اونک مسلمانلق
 اساسات و مؤسساتنک تقویه و تعالیسی حقنده بر تشننی ایشیده جک
 اولورسه کز اووقت حیرت ایدم ییلیر سکز .